

Obrazac broj 3.

Naziv podnosioca zahtjeva	
Ovlašteno lice	
Kontakt telefon	
Fax.	
E mail	
Adresa	
Mjesto – Općina	

KANTON SARAJEVO
Ministarstvo saobraćaja
Reisa Džemaludina Čauševića broj 1.
SARAJEVO

ZAHTJEV
ZA IZDAVANJE SAGLASNOSTI ZA PRIVREMENU IZMJENU REŽIMA SAOBRAĆAJA

Podnosimo zahtjev za izdavanje saglasnosti za privremenu izmjenu režima saobraćaja prilikom

_____ na saobraćajnoj
navesti razlog podnošenja
 površini _____, koja pripada teritoriji Općine
unijeti tačan naziv saobraćajnice i lokaciju
navesti naziv Općine
 Izmjena režima saobraćaja potrebna je u periodu od _____ do _____ u vremenu od
 _____ do _____, sati/a što ukupno čini izmjenu režima saobraćaja od
 _____ dana/sati.

**** Zahtjev se podnosi najmanje tri dana prije planiranog početka.**

Uz zahtjev se prilaže:

- 1) Administrativna taksu na zahtjev u iznosu od 10 KM.
- 2) Obrazloženje potrebe za izmjenom režima saobraćaja.

U Sarajevu dana _____.

 Podnosilac zahtjeva
 (potpis i pečat)

Ministarstvo za boračka pitanja Kantona Sarajevo

Na osnovu člana 35. stav (1) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), člana 13. Zakona o zaštiti lica koja prijavljuju korupciju u institucijama Bosne i Hercegovine ("Službeni glasnik BiH", broj 100/13), te člana 66. stav (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 8. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22), sa ciljem unapređenja i jačanja mjera za efikasnije sprečavanje i suzbijanje korupcije, ministar za boračka pitanja Kantona Sarajevo donosi

PRAVILNIK O IZMJENAMA PRAVILNIKA ZA PREVENCIJU I SPREČAVANJE KORUPCIJE U MINISTARSTVU ZA BORAČKA PITANJA KANTONA SARAJEVO, INTERNOM PRIJAVLJIVANJU KORUPCIJE I ZAŠTITI LICA KOJE PRIJAVI KORUPCIJU

Član 1.

(Izmjene Pravilnika)

U Pravilniku za prevenciju i sprečavanje korupcije u Ministarstvu za boračka pitanja Kantona Sarajevo, internom prijavljivanju korupcije i zaštiti lica koje prijavljiva korupciju ("Službene novine Kantona Sarajevo", broj 43/22), članovi:

"28., 29. i 30., brišu se, a dosadašnji članovi 31. i 32. postaju članovi 28. i 29".

Član 2.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-46235/22

11. novembra 2022. godine
Sarajevo

Ministar

Dr. sc. **Omer Osmanović**, s. r.

OPĆINA ILIJAŠ

Općinski načelnik

Na osnovu člana 33. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 15. Odluke o izvršavanju budžeta općine Ilijaš za 2022. godinu ("Službene novine Kantona Sarajevo", broj 2/22), te člana 107. Statuta općine Ilijaš ("Službene novine Kantona Sarajevo", br. 20/09 - prečišćeni tekst i 46/18), općinski načelnik donosi

ODLUKU

O PRESTRUKTURIRANJU RASHODA U BUDŽETU OPĆINE ILIJAŠ ZA 2022. GODINU

Član 1.

Odobrava se prestrukturiranje rashoda na razdjelu budžetskog korisnika "Općina Ilijaš", unutar Posebnog dijela Budžeta Općine Ilijaš za 2022. godinu, na sljedećim budžetskim pozicijama:

- smanjuju se sredstva na budžetskoj poziciji:

"128/613914 - Usluge reprezentacije" - u iznosu od 1.000,00 KM;

"127/614119 - Transfer po međunarodnom projektu "SMARTRIVER"" - u iznosu od 60.000,00 KM ;

- povećavaju se sredstva na budžetskoj poziciji:

"126/613911 - Usluge medija" - u iznosu od 1.000,00 KM;

"122/614721 - sufinansiranje projekata sa međunarodnim organizacijama" - u iznosu od 60.000,00 KM ;

tako da će ove pozicije u Budžetu općine Ilijaš za 2022. godinu iznositi:

"128/613914 - Usluge reprezentacije"	9.000,00 KM
"127/614119 - Transfer po međunarodnom projektu "SMARTRIVER""	3.500,00 KM
"126/613911 - Usluge medija"	28.000,00 KM
"122/614721 - sufinansiranje projekata sa međunarodnim organizacijama"	95.000,00 KM

Član 2.

Za realizaciju ove Odluke zadužuje se Služba za privredu i finansije.

Član 3.

Danom donošenja Odluke odobreno prestrukturiranje postaje sastavni dio Budžeta općine Ilijaš za 2022. godinu.

Član 4.

Ova odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 04/3-11-2652/22

10. novembra 2022. godine
Ilijaš

Općinski načelnik
Akif Fazlić, s. r.

OPĆINA NOVO SARAJEVO

Općinsko vijeće

Na osnovu člana 8. stav (1) i člana 13. stav (1) i stav (2) tačka 18) Zakona o principima lokalne samouprave u FBiH

("Službene novine Federacije BiH", br. 49/06 i 51 /09) i člana 19. stav (1) tačka d), člana 141. stav (1) i stav (2) i člana 142. stav (1) tačka e) Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka), Općinsko vijeće Novo Sarajevo, na 20. redovnoj sjednici, održanoj dana 31.10.2022. godine, donijelo je

ODLUKU

O ODREĐIVANJU IZNOSA SREDSTAVA U BUDŽETU OPĆINE NOVO SARAJEVO ZA OBLAST SPORTA I ZA OBLAST KULTURNO - SPORTSKIH MANIFESTACIJA

Član 1.

(1) Ovom odlukom Općinsko vijeće Novo Sarajevo, u cilju podrške sportu i kulturno - sportskim manifestacijama, određuje iznos sredstava u Budžetu Općine Novo Sarajevo, koji će se planirati i izdvojiti za navedene oblasti, u procentima kako slijedi:

a) **za oblast sporta, u ukupnom iznosu od najmanje 3%, u svrhu podrške pravnim licima iz oblasti sporta i**

b) **za oblast kulturno - sportskih manifestacija, u ukupnom iznosu od najmanje 2%, u svrhu podrške realizaciji kulturno - sportskih sadržaja.**

(2) Navedeni procenti izdvajati će se od iznosa ukupno planiranih rashoda cjelokupnog Budžeta Općine Novo Sarajevo.

Član 2.

Općinski načelnik će prilikom izrade nacrti i prijedloga Budžeta Općine Novo Sarajevo za svaku budžetsku godinu, planirati raspored sredstva u skladu sa članom 1. ove Odluke.

Član 3.

Za realizaciju ove odluke zaduženi su općinski načelnik i Općinsko vijeće, svako u okviru svojih nadležnosti.

Član 4.

Općinski načelnik se ovlašćuje da donese pravilnike kojima će se propisati postupak dodjele sredstava iz člana 1. ove odluke.

Član 5.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-02-2-11635/22
31. oktobra 2022. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), čl. 19. i 141. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka), Općinsko vijeće Novo Sarajevo je na 19. redovnoj sjednici, održanoj dana 18.10.2022. godine, donijelo

ZAKLJUČAK

I

Da se uputi dopis ka Skupštini Kantona Sarajevo da se donese Odluka o izradi Registra utuženih zakupaca Kantona Sarajevo i da se isti objavi.

II

Zaključak je donesen u okviru rasprave o "Izveštaju o stanju u oblasti gazdovanja u poslovnim prostorima Općine Novo Sarajevo".